

مارننگ گو جری نیو ز بلیٹن مورخہ 1 جولائی 2025

یوہ آکا شوانی جموں ہے عبیدالرحمان تیں خبر سُنو۔

LG YATRI NIWAS

لیفٹیننٹ گورنر مونجسہا نے گزشتہ روز پنتھا چوک سرینگر ماہہ تعمیر کیا گیا شری امرناٹھ شرائین بورڈ غا یاتری نواس غو افتتاح کیو تے اس نوی تعمیر نانہہ عقیدت منداں غے نال وقف کیو یوہ یاتری نواس عقیدت منداں غی طرفوں دتا گیا نیاز نظرانہ نال تعمیر کیو گیو ہے تے اس ماہہ تقریباً 13 سو عویدت منداں غا رہن غی جگہ ہے ایل جی موصوف نے کہیو کہ یاتری نواس غی تعمیر بابا برفانی غا عقیدت منداں غے تئیں ماری دلجوئی ت لگن غو ثبوت ہے اُنہاں نے مزید کہیو کہ ہم بابا امرناٹھ کولوں اپنی زمین ور امن خوشحالی تے ترقی غی دعا کراں۔

CS NRLM

دیہی خواتین غی باختیاری خاطر چیف سیکرٹری اٹل ٹلو نے گزشتہ روز ایک میٹنگ غے دوران جموں کشمیر این آر ایل ایم مشن غی خصوصاً بیان غو جائیزو لیو۔ اس میٹنگ غو بنیادی مقصد دیہی خواتین غو قومی دیہی روزگار مشن ماہہ اندراج تے اُن نانہہ کامیاب کاروباری بنائو تھو۔ اس موقعہ ور چیف سیکرٹری نے کواتین غی صلاحیتاں غ و ذکر کیو تے دسیو کہ تقریباً 7 لکھ خواتین اس زمرہ ماہہ زندگی بہتر بنان غی کوشش کر رہی ہیں چیف سیکرٹری نے مزید کہیو کہ اس طرز غا اقدامات غی ضرورت ہے جس نال اپنی مدد آپ گروپاں ماہہ شامل خواتین اقتصادی طرز ور مزید اختیاری حاصل کرسکیں۔

DGP SANJY

جموں کشمیر پولیس غا ڈائریکٹر جنرل نلین پرہات نے رینج پولیس ہیڈ کوارٹر اننت ناگ ایک اعلیٰ سطحی میٹنگ غے دوران جنوبی کشمیر غے اندر مجموعی حفاظتی صورتحال غو جائیزو لیو اس دوران شری امرناٹھ یاترا 2025 وستے کیا گیا حفاظتی انتظامات ور خصوصی توجہ دتی گئی میٹنگ تیں بعد ڈی جی پی موصوف نے سپیشل ڈی جی پی ایس جی ایم گیلانی آئی جی پی سکیورٹی سوجیت کمار ڈی آئی جی پی تے کئی دیگر اعلیٰ حکام غے ہمراہ پہلگام غے اندر خاص جگہاں غو دورو لایو اس دوران ڈی جی پی موصوف نے نن وان تے چندن واڑی ماہہ قائم بنیادی کیمپاں گو معائنو کیو تے اُت حفاظتی انتظامات غو وی جائیزو لیو گیو۔

SANJY LAKHANPUR

امرناتھ یاترا غی شروعات ہوتیں ہیضلع انتظامیہ کٹھوعہ نے عقیدت منداں غا جموں کشمیر غے امدر سڑک آلے رستے داخلہ آلی جگہ لکھن پور نانہہ کشیر جہتی سہولیات کیو ہے یوہ مرکز ملک غا بکھ بکھ حصاں تیں اُن آلا عقیدت منداں غا خوش آمدید تیں علاوہ اندراج طبعی سہولیات امدادی ڈیسک 5 بیڈ ور مشتمل ہسپتال حفاظتی انتظامات تے کئی دیگر سہولیات فراہم کر رہیو ے اس تیں علاوہ پولیس پیر املٹری تے دیگر فوجی دستہ عقیدت منداں غی حفاظت وستے مرکز ور تعینات ہیں۔

SANJY RAMBAN

ضلع رامبن ماہہ سالانہ امرناٹھ یاترا غا سلسلہ ماہہ جموں کشمیر پولیس تے سی آر پی ایف نے پورا ضلع غے اندر حفاظتی انتظامات مکمل کر لیا ہیں ایس ایس پی رام بن گبیر سنگھ نے جانکاری دتی ہے کہ شری امرناٹھ یاترا وستے آیا عقیدت منداں آلی گڈیاں تے سیاحاں نانہہ تیار 2 بجے چندرکوٹ پار کرنو وے گو جد کہ نویگ ٹل پار کرن غو وقت تیار 3 بجے مقرر کیو گیو ہے واضع رہے جے یاتریاں غی حفاظت تے یاترا غی اہمیت غے پیش نظر جموں کشمیر پولیس اپنا امدادی نمبران نال یاتریاں وستے ہر وقت دستیاب ہے۔

PETITION MEETING

جموں کشمیر قانون ساز اسمبلی نے گزشتہ روز عرضی دآر کرن آلی ہاوس کمیٹی غی طرفوں منعقد میٹنگ غے دوران ہاوسنگ معاملات ور تبادلہ خیال کیو یاه میٹنگ کمیٹی چئر مین پیرزادہ فاروق احمد شاہ غی سربراہی مانہ منعقد ہوئی اس دوران کمیٹی ممبر مشتاق گرو سلمان ساگر میاں مہر علی وجے کمار تے ٹھاکر رندیر سنگھ وی میٹنگ مانہ موجود تھا اس دوران کمیٹی نے قانون سا اسمبلی غا سابقہ ممبر غلام قادر وانی غی طرفوں دائر عرضی ور تبادلہ خیال کیو جس مانہ ہاوسنگ محکمہ غی طرفوں چنی راما جموں مانہ 12 مرلہ زمین غی حصو لیاہی شامل تھی اس دوران عرضی غا مقرر وقت غے اندر حل کرن ور خصوصی گل بات کی گئی۔

PAC MEETING

جموں کشمیر قانون ساز اسمبلی غی عوامی اکاونٹ کمیٹی نے گزشتہ روز ایک میٹنگ غے دوران خزانہ محکمہ غا اوڈٹ متعلق میٹنگ کی یاه میٹنگ کمیٹی چئیرمین شام لال شرما غی صدارت مانہ منعقد ہوئی جس مانہ کمیٹی ممبر نظیر احمد خان کیسر جمشیر لون جاوید ضسین بھیگ دوپندر کمار منیال سجاد شاہین تے مظفر اقبال خان موجود تھا۔

LMD

خردنوش آلی اشیاء خریدن آلا افراد خصوصاً امرناتھ یاترا وستے آیا عقیدت منداں خاطر ایل ایم ڈی محکمہ نے کنٹرولر ایل ایم ڈی جموں کشمیر راجندر سنگھ تارا غی ہدایت ور ایک خصوصی مہم غی شروعات کی اس دوران ضلع کٹھوعہ غے اندر قومی شاہراہ ور خصوصی معائنہ کیا گیا جس دوران کئی افراد نانہ ایل ایم ڈی قوانین غی خلاف ورزی کرتا واں پایو گیو اس مہم غے دوران علاقہ غا انسپکٹر ان نے خلاف ورزی کرن آلا افراد نانہ گرفتار کیو تے اُن ور 1 لکھ 40 ہزار روپیاں غو جرمانو وی عائد کیو۔